

СОЧИНЕНІЯ

СВЯТАГО

ДИМИТРИЯ.

МИТРОПОЛИТА РОСТОВСКАГО.

ЧАСТЬ ЧЕТВЕРТАЯ,

СОДЕРЖАЩАЯ ВЪ СЕБѢ ЛѢТОПИСЬ , СКАЗУЮЩІЮ ДѢЯНІЯ ОТЪ НАЧАЛА МІРА БЫТІЯ ДО РОЖДЕСТВА ХРИСТОВА, СОБРАННАЯ ИЗЪ БОЖЕСТВЕННАГО ПИСАНІЯ ИЗЪ РАЗЛИЧНЫХЪ ХРОНОГРАФОВЪ И ИСТОРИОГРАФОВЪ ГРЕЧЕСКИХЪ , СЛАВЕНСКИХЪ , РИМСКИХЪ , ПОЛЬСКИХЪ , ЕВРЕЙСКИХЪ И ПРОЧИХЪ , СЪ НАСТОЯЩАГО ПОДЛИННИКА , ПИСАННАГО СОБСТВЕННОЮ СВЯТИТЕЛЯ РУКОЮ. СІЯ ЛѢТОПИСЬ РАЗДѢЛЯЕТСЯ НА ТРИ ОТДѢЛЕНІЯ : въ первомъ отъ начала міра до ТРЕТІЕЙ ТЫСЯЩИ ОСЬМАГО СТА ЛѢТЬ. Во второмъ отъ СМЕРТИ НОЕВОЙ ДО АВРААМА , ИСААКА И ІАКОВА. Въ третьемъ краткое описаніе СЛАВЕНСКАГО НАРОДА ДО ГОСУДАРЯ ЦАРЯ ФЕОДОРА АЛЕКСѢЕВИЧА.


Ир. Зубовъ
Изданіе седмое.

МОСКВА.

ВЪ СУНОДАЛЬНОЙ ТИПОГРАФІИ.

1849.

1



ВЪ СЛАВУ БОГА,
ВЪ ТРОИЦѢ ЕДИНАГО,
ВЪ ЧЕСТЬ ПРЕЧИСТЫЯ ДѢВЫ БОГОРОДИЦЫ
И ВСѢХЪ СВЯТЫХЪ,

НАЧИНАЕМЪ ЛѢТОПИСЬ,

сказующую вкратцѣ дѣянiя отъ начала міро-
бытія до Рождества Христова, собранную изъ
Божественнаго Писанiя и изъ различныхъ
Хронографовъ и Исторiографовъ Греческихъ,
Славенскихъ, Римскихъ, Польскихъ, Еврей-
скихъ, и иныхъ.

Въ началѣ созда Богъ небо и землю (а),
и бездну водную темну, или, якоже Еллины глаго-
лють, хаосъ, еже бысть стихій смѣшеніе нераз-
дѣльное, въ немже земля бѣше невидима и не
украшенна, водами бездными и тьмою покрывае-
мая, якоже глаголетъ Писаніе: *и тьма верху*
бездны. Созда же та всеильный Господь отъ
ничесогоже, и отъ небытія приведе въ бытіе: а
отъ тѣхъ потомъ и прочая созданiя горняя и
дольняя, шестью днями дѣлая произведе. И бѣше
первая невидимая въ безднѣ тварь, яко сѣмя и на-
чатокъ имущихъ произвестися оттуду тварей. Яко-
же бо, егда коего садовнаго древа отъ сѣменъ едино
зерно разсуждаемъ, глаголемъ въ немъ быти коре-
нію и древу, и вѣтвіямъ, и листвіямъ, и цвѣту, и
плодомъ; не яко та уже суть, но яко имуть оттуду
быти, егда то зерно насажденно бывши прозябнетъ
и возрастетъ: сиче и Богомъ созданная первая тварь,

(а) Бытія I.

или матерія (вещество), бѣше начатокъ прочіей твари. Небеси убо бѣше первая матерія вода, а земли огустѣлая толща, или гряда. Отлученной же потомъ велѣніемъ Божиимъ бывшей водѣ отъ толщи, небу отъ земли, явился посредѣ воздухъ, и просвѣтился огонь, таже прочая творенія своимъ чиномъ и временемъ поидоша.

Начиная же Создатель первую оную тварь невидимую и неукрашенную производить въ совершенство и во украшеніе, впервыхъ повелѣ изъ тьмы свѣту возсіати (а). Якоже бо кій художникъ, въ полунощи воставъ дѣлати что хочетъ, возжигаетъ первѣе свѣщу, да видитъ, аже въ дому его: сице премудрый Создатель Богъ, аще и всевидецъ, зрѣи въ темной безднѣ сущая аки на ясны обрѣтающаяся, обаче первѣе яко свѣщу въ храминѣ, въ темной безднѣ свѣтъ дневный возсвѣти, рекъ: *да будетъ свѣтъ, и бысть свѣтъ.*

Здѣ нѣцыи (*) мнятъ созданнымъ быти Ангеломъ, яко съ свѣтомъ и Ангеловъ созда Богъ: но святыи *Василій великій, Григорій Богословъ и Амвросій*, такожде и святыи *Іоаннъ Дамаскинъ*, мнятъ тѣхъ въ началѣ прежде всего созданія созданнымъ быти. „Подобаше бо, глаголетъ

(а) 2 Кор. 4.

(*) Августинъ Рупертъ бесѣда и гл. знам. Предлагается на подтвержденіе отъ Корнил. на сіе мѣсто 38. Дамаскин. книга 2, о вѣрѣ гл. 3. Святыи Григорій Богословъ на Рождество Христово. На подтвержденіе предлагается отъ Корнил. Бытія 1. Въ книжѣ обыкновеній, часть 19, предлагается на подтвержденіе отъ Корнил. такожде якоже и выше. Святыи Іерон. приб. на подтвержденіе отъ Корнил. на Исаію гл. 14. ст. 13, листъ 183. Исаіи 14. Бежанъ съ прочими тракт. 3, о Ангелахъ гл. 4, въ вопросѣ 6, листъ 154. Тоже пишется и въ книжѣ *Жезлъ правленія* глаголемой, листъ 44. Евр. 1.

Дамаскинъ , первѣе умному существу создатися , таже чувственному, и тогда изъ обоихъ человѣку.“

Не безмѣстно же есть и о Ангелахъ , мало пѣчто реши простѣйшихъ ради.

О созданіи Ангеловъ святой Григорій Богословъ ска-
зуетъ, яко произыдоша Ангели отъ Бога якоже лучи
отъ солнца, прежде всея твари: и составишася свѣты
вторыи, слуги перваго свѣта Бога. А святой Григорій
Бесѣдовникъ глаголетъ : „произыдоша Ангели отъ Бога,
якоже искры отъ кремене. Создавъ же я Господь по
образу своему (якоже послѣжде и душу человѣческую) и
по подобію разумны, самовластны, безсмертны, въ началѣ
остави ихъ несовершенныхъ въ блаженствѣ, не утверж-
денныхъ въ таковой благодати, еже бы имъ не возможи
согрѣшити: но даде имъ нѣкое время, въ неже, яко
самовластныи, полную волю имущи, можаху у Господа
или заслужитися и преуспѣти, получивше совершенную
благодать, или прослужитися и пасти въ гнѣвъ Божій.
Тѣмъ временемъ единъ отъ Ангеловъ начальнѣйшій пре-
вознесся гордынею, восхотѣ равенъ быти Богу, рече во
умѣ своемъ: *на небо* (эмпирейское, идѣже престолъ Божій)
взыду, и выше звѣздъ небесныхъ поставлю престолъ мой,
и буду равенъ Вышнему. Вину же тоя Ангельскія гордыни
нѣщии отъ Богословцовъ говорятъ быти сицевую: аки бы
Господь Богъ открылъ бѣ Ангеломъ тайну воплощенія Слова,
имже имѣ соединитися Божество съ человѣчествомъ въ лицѣ
Христовомъ, смуже все естество Ангельское долженствуетъ
кланяться. Единъ убо отъ большихъ Ангелъ, глаголемый
свѣтоносный, разсмотря высоту и славу естества своего
Ангельскаго, разсуждая же худость имѣвшаго быти бреч-
наго естества человѣческаго, разгордѣся и умысли не
поклонитися хотящему воплотитися Богу Слову, и рече
въ себѣ: *на небо взыду, и буду подобенъ Вышнему.*

Сіе же о откровеніи тайны воплощенія Слова Ангеломъ умствование оныя Богословцы производять отъ сего Писанія: Святый Апостолъ Павелъ въ посланіи ко Евреомъ, въ главѣ 1 пишетъ: *егда же паки вводитъ Первороднаго во вселенную, глаголетъ: и да поклонятся Ему вси Ангели Божіи.* То реченіе, паки, разсуждающе, наводятъ, яко дважды Сынъ Божій введенъ бысть во вселенную. Первое чрезъ откровеніе Ангеломъ о воплощеніи того, еже бѣ въ началѣ Ангельскаго созданія; второе же, чрезъ самое воплощеніе: во обоихъ же тѣхъ ввожденіяхъ повелѣся Ангеломъ, да поклонятся Ему. Въ первомъ да поклонятся вѣрою, яко да вѣрують имущаго воплотитися Бога Слова, Емуже должныствуютъ кланяться; во второмъ же ввожденіи да поклонятся самымъ дѣломъ, и то того ради Апостолъ глаголетъ: *егда же паки, сіестъ вторицею, вводитъ Первороднаго, изъясляя двоекратное Того ввожденіе, первѣ Ангеломъ въ началѣ тѣхъ бывшее, таже человекомъ на кончинѣ лѣтъ.* Явѣ убо есть, яко откровенна бѣ Ангеломъ тайна воплощенія. Тоже умствование производять и отъ словесъ самаго Христа, ко Іудеомъ рекшаго: *вы отъ отца діавола есте, и похоти отца вашего хотите творити: снъ человекоубійца бѣ искони* (а), Іудеи бо хотяху Христа убити. Аще же Іудеи въ томъ своемъ хотѣніи подражаху отца своего діавола, искони человекоубійцу бывша; наводится отсюда, яко діаволъ искони въ началѣ ангельства своего, еще во свѣтоносіи своемъ бывши, хотяше Христа, вочеловѣчитися имѣвша, убити: сіестъ, человекоубійственно нанъ враждоваше, аще бы возможно ему погубити того и воничтожити. Враждоваше же увѣдавши чрезъ откровеніе о воплощеніи Христовомъ: убо явленна бѣ Ангеломъ воплощенія тайна. Тако Богословцы оныи гадательствуютъ. Но понеже древнѣйшии о томъ не писа-

(а) Іоан. VIII, ст. 44.